

刑部比照加減成案續編

刑部比照加減成案續編卷十八

杭州許榭訂

刑律人命

威逼人致死

廣東司 道光六年

廣撫題南海縣犯婦鍾黎氏因聽從劉亞五誘拐同逃嫁賣未成經伊夫鍾亞四因

妻被拐。羞忿服毒自盡。先據該撫將該氏
照婦女與人通姦。本夫羞忿自盡。絞監候
例上。量減擬流。部以鍾亞四之羞忿輕生。
實由於鍾黎氏之聽從誘拐。並無別故。牽
涉自應罪坐所由。且妻背夫在逃。較僅止
口角細故爲重。其因在逃而致伊夫自盡。
豈得轉較口角細故致本夫自盡爲輕置。

伊夫自盡於不問駁令另擬。茲據遵駁改
正。將鍾黎氏比照婦女與人通姦。本夫羞
忿自盡例擬以絞候具題。查鍾黎氏被誘
同逃。固非良婦。惟旣未與劉亞五通姦。未
便照婦女通姦。本夫羞忿自盡之例問擬。
應改照妻妾鬻起口角。並無逼迫情狀。其
夫輕生自盡者。擬絞監候。

陝西司

道光十二年

陝督題葛穆氏、因女喜姐、被姑李邢氏凌責。糾毆邢氏洩忿。伊夫葛榮聞知邢氏傷重。懼被告累。輕生自盡。查律例並無妻妾毆人。其夫畏累自盡。作何治罪。專條自應比附量減問擬。葛穆氏應依妻妾釁起口角事。涉細微。並無逼迫情狀。其夫輕生自

盡擬絞監候例上。量減一等。杖一百。流三千里。

河南司 道光十年

河撫題上蔡縣趙二孟乘無服族叔趙驢在趙九家飲酒。潛至趙驢家內。膽將趙驢之妻趙胡氏冒姦已成。致趙胡氏羞忿自縊身死。例無作何治罪明文。趙二孟應比

照強姦已成。本婦羞忿自盡。例擬斬監候。
四川司 道光五年

川督題巴縣胡大滌向袁引弟調姦未成。
被控柳責。袁引弟審結回家。羞忿莫釋。時
常啼哭。事越兩月。該犯柳滿釋放回家。袁
引弟瞥見。觸起前情。乘閒投繯殞命。例無
治罪明文。若照但經調戲。本婦羞忿自盡。

例擬絞。殊與未經控告審結。及本婦卽時
殞命者。無所區別。自應比例量減。問擬胡
大。濤。應。比。照。但。經。調。戲。本。婦。羞。忿。自。盡。擬。
絞。例。上。量。減。一。等。杖。一。百。流。三。千。里。

安徽司 道光十年

安撫題汝大成。見無服族叔之妻汝李氏。
在房獨處。用言調戲。汝李氏不依。喊罵。並

扭衣不放。該犯掙不脫身。情急圖脫。將汝李氏毆傷。致汝李氏羞忿自縊身死。例內並無調姦未成。拒傷本婦。致令自盡。作何治罪明文。自應仍照本例問擬。將汝大成、照、但、經、調、戲、本、婦、羞、忿、自、盡、例、擬、絞、監、候。

河南司 道光十一年

河撫題鄆陵縣陳中良圖姦王文運之妻

張氏未成。致氏羞忿自盡。並致王文運亦
因悲忿自縊身死。例無調姦未成。致釀夫
婦二命。作何治罪。明文自應從一科斷。陳
中良合依。但經調戲其夫。與本婦羞忿自
盡者。擬絞監候。

河南司 道光九年

河撫題鹿邑縣趙駱駝圖姦同姓不宗之

男子趙潮未成。致令羞忿。自縊身死。例無治罪明文。惟圖保名節。被辱捐軀。男女情無二致。自應比例問擬。趙駱駝應依。但經調戲本婦。羞忿自盡。例擬絞監候。

浙江司

道光八年

浙撫題僧楚良。強姦湯呈武未成。致令羞忿。自縊。例無治罪正條。自應比例問擬。僧

楚良應比照。但經調戲本婦羞忿自盡。例擬絞監候。

河南司 道光四年

河撫題項城縣張泳嫻圖姦小功服姪張成彩之妻張馬氏未成。經張廷松等處令服禮息事。馬氏氣已消釋。嗣被犯母龔氏恥笑。馬氏聽聞追悔。抱忿自盡。例無治罪。

專條。張泳。惻應比照調姦婦女。未成和息。
後。因。人。恥。笑。本。婦。追。悔。自。盡。杖。一。百。流。三。
千。里。例。上。酌。加。一。等。發。附。近。充。軍。

四川司 道光十年

川督題江油縣李鰲向小功兄妻李唐氏
調戲。唐氏不依。叫罵。抓住衣服。適本夫李
春聽聞。回家查看。意欲送究。經李常惻等

勸息。李盧氏向唐氏詢及調戲之事。唐氏疑其恥笑。當卽啼哭抱怨。是夜投繯殞命。李唐氏係李鰲同曾祖堂兄之妻。律例內並無作何治罪明文。自應比例問擬。李鰲應比照調姦婦女未成和息後因人恥笑。本婦追悔自盡杖一百。流三千里。例上量加一等。發附近充軍。

四川司 道光十年

川督題彭縣文思典向弟妻文吳氏調姦
未成。和息後。文吳氏因伊姑抱怨。追悔抱
忿。自抹咽喉身死。遍查律例。並無有服尊
屬。調姦未成。和息後。本婦追悔自盡。作何
治罪明文。自應比例加等問擬。文思典應
比照調姦婦女未成。和息後。本婦抱忿自

盡杖一百。流三千里。例上酌加一等。發附近充軍。

四川司 道光十四年

川督題綦江縣李大魁調戲小功服婦小
李楊氏本婦自允和息服禮寢事迨一聞
張李氏談論私和恐人恥笑之言復追悔
抱忿自縊斃命例無作何治罪專條如僅

照凡人調姦婦女未成。和息後追悔自盡。
擬流。置服制於不論。未免輕縱。自應比例。
加等問擬。李大魁應比照調姦婦女未成。
和息後因人恥笑。本婦追悔自盡。杖一百。
流三千里。例上加一等。發附近充軍。

四川司 道光十年

川督題鄧都縣秦仕仁調姦總麻弟妻馬

氏未成。和息後。因秦仕仁繼母趙氏談及前事。致秦馬氏聽聞追悔。投水斃命。該氏係秦仕仁有服親屬。未便照凡人擬流。自應比例加等問擬。秦仕仁應比照調姦婦女未成和息後。因人恥笑。本婦追悔自盡。杖一百。流三千里。例上量加一等。發附近充軍。

威逼人致死

山西司

道光五年

晉撫咨史起覩圖姦無服族嬖史任氏未
成。隱忍後被本夫問知埋怨致氏追悔自
縊。自應比例問擬。史起覩應比照調姦婦
女未成和息後因人恥笑本婦追悔自盡
例。擬杖一百。流三千里。

陝西司

道光六年

陝撫題泉縣郭盛兒調姦高武氏未成。業經服罪和息。嗣該氏獨立門外。被夫訓斥。追悔自縊身死。釁雖起於調姦而死實由於訓斥。與因人恥笑追悔抱忿自盡者有間。例無治罪正條。自應比例量減。問擬郭盛兒應於調姦婦女未成和息後因人恥笑。本婦追悔自盡例上量減滿徒。

威逼人致死

河南司 道光七年

河撫題裕州楊珉因見李中和姪媳李路氏少艾起意圖姦。央允賈長輝義母賈黃氏哄誘李路氏至家。該犯用言調戲。李路氏不依。喊罵逃回。李中和往向賈黃氏吵罵欲控。經勸寢息。嗣賈長輝捏以賈黃氏被李中和誣陷。在街喊罵。致被李中和等

毆傷涉訟。李路氏因而追悔抱忿自縊。與和息後因人恥笑抱忿自盡者無異。罪坐所由自應照例問擬。楊珮應照調姦婦女未成和息後因人恥笑本婦追悔自盡者將調姦之犯杖一百流三千里。賈黃氏貪利聽從楊珮引誘李路氏至家調姦未成致氏於和息後抱忿自縊卽屬爲從。賈黃

氏應照爲從減一等律。於楊玘滿流罪上減一等杖一百。徒三年。

河南司

道光九年

河撫咨泌陽縣余得耀因向田黑漢訓姦未成。業已服禮寢息。嗣張光修查知恥笑。適被田黑漢聽聞。當時哭詈不依。旋即悔忿自縊身死。遍查律例並無調姦男子未

成。和息後因人恥笑。致令悔忿自盡。作何
治罪。明文第○名○節○所○關○男○女○本○無○二○致○自
應○比○例○問○擬○余○得○耀○應○比○依○調○姦○婦○女○未
成○和○息○後○因○人○恥○笑○本○婦○追○悔○自○盡○例○杖
一○百○流○三○千○里○

直隸司

道光七年

直督咨郝韓氏因向胡閻氏辱罵致胡閻

氏抱忿自戕。越日身死。查婦女相罵。與男子出語褻狎不同。自應比例減等問擬。郝韓氏比依因事與婦女口角。彼此詈罵。婦女一聞穢語。輕生杖一百。流三千里。例上量減一等。杖一百。徒三年。照例收贖。

直隸司

道光九年

直督題蔚州家人王升。穢語辱罵家長姪。

媳包陳氏致氏氣忿自縊身死。查已死陳氏係包牧出繼子媳服屬大功。王升係包牧家人。雖無典賣字據。但服役業已八年。未便竟同凡論。自應酌量加等。問擬王升合依因事與婦女口角彼此詈罵婦女一聞穢語輕生杖一百。流三千里。例上加一等。發附近充軍。

直隸司

道光十一年

直督題蠡縣崔黑見李汪氏與伊母舅汪希武爭鬧趨勸李汪氏疑護不依互相揪拉致將李汪氏單褲撕破後致氏氣忿服毒身死該犯雖非有心欺辱第其致死之由實因該犯不避男女嫌疑撕破單褲所致是撕褲之辱其身與穢語之污其耳情

無二致。自應比例問擬。崔黑應比。依因事
與婦女口角。彼此詈罵婦女。一聞穢語。輕
生者。杖一百。流三千里。

直隸司

道光十一年

直督題唐縣監生馬樞。因夤夜間響疑賊。
追至胞姪馬詔升家。被馬詔升撞見。究問
爭吵。該犯氣忿。輒以圖姦之言向答。以致

馬詔升之妻馬張氏在屋聽聞。氣忿自縊身死。該犯雖未覲面指名穢辱。第馬詔升家別無女流。僅止馬張氏一人。該氏聽聞自盡。究因該犯向其穢辱所致。例無作何治罪明文。若竟照因事與婦女口角。彼此詈罵。婦女一聞穢語。輕生擬以滿流。該犯究未與婦女覲面。殊覺無所區別。自應比

例酌減問擬馬樞應革去監生比依因事
與婦女口角彼此詈罵婦女一聞穢語輕
生杖一百流三千里例上量減一等杖一
百徒三年。

貴州司 道光十一年

貴撫題施秉縣李彭氏因李楊氏將伊包
穀踏毀輒以不正經娼婦之言向詈以致

李楊氏氣忿輕生。李彭氏係李楊氏總麻夫。婿例無作何治罪明文。將李彭氏比照因事與婦女口角彼此詈罵婦女一聞穢語輕生滿流例上量減一等杖一百徒三年。係婦女照律收贖。李楊氏附請旌表。

河南司

道光十一年

河撫題河內縣張泳吉與龐劉氏之夫龐士明戲謔輒在龐士明背上印一龜形旋被龐劉氏瞥見致氏羞忿投井身死核與婦女聽聞穢語羞忿自盡之案相同張泳吉應照並未與婦女覲面止與其夫互相戲謔婦女聽聞穢語羞忿自盡例杖一百流三千里。

河南司

道光五年

河撫題林縣郭三調姦張郭氏未成。因人
恥笑。致氏追悔自盡。案內之郭有辰。雖非
有心恥笑。惟以業經寢息之事。復向張治
善告述。以致張郭氏聽聞。追悔抱忿。輕生
自縊。實屬不合例。無作何治罪明文。自應
比例定擬。郭有辰應比照與親屬戲謔婦

女聽聞穢語羞忿自盡杖一百流三千里
例上量減一等杖一百徒三年

河南司 道光七年

河撫題靈寶縣強兵兒等與馮金法語言
戲謔致馮金法之妻賀氏聽聞氣忿自盡
案內之賀增兒隨同戲謔應照爲從減一
等律於強兵兒滿流罪上減一等杖一百

徒三年。

河南司 道光四年

本部奏正黃滿呈報步軍統領衙門筆帖式奎明之妻圖博特氏自縊身死一案。此案奎明與雇工伊覽通姦情密。輒思誘令伊妻圖博特氏亦與伊覽姦宿。因其不從。兩次逼勒。以致圖博特氏抱忿輕生。遍查

律例並無本夫陷妻邪淫致令自盡作何
治罪明文該犯以職官雞姦雇工已屬有
玷官箴復商令伊覽圖姦主母滅倫壞紀
莫此爲甚若因該犯並無毆打別情僅照
姦婦抑媳同陷邪淫致媳情急自盡之例
擬遣尚覺情浮於法實不足以儆官邪而
維風化奎明應比照婦女令媳賣姦不從

折磨毆逼致媳情急自盡者絞監候例擬絞監候。惟事屬創見。例無專條。是否仍恭候。

欽定。伊覽當奎明商令往與圖博特氏姦宿。該犯雖未同往。並不立時阻止。卽隱有圖姦主母之心。照奴及雇工人調戲家長之妻未成。應發雲貴兩廣煙瘴地方充軍。

查圖博特氏由於奎明之逼勒而死而奎明之逼勒圖博特氏實因與該犯通姦情密所致該犯以雇工人與家主通姦致釀主母一命情節較重應請發往回城給大小伯克及力能管束之回子爲奴照例刺字至圖博特氏守正不阿捐軀明志洵屬節烈堪嘉相應附請

旌表。

直隸司 道光十年

直督裕張庭喜圖姦弟婦孫氏不從將孫
氏立時致斃。查胞兄圖姦弟婦未成將本
婦立時毆死。例無作何治罪。明文惟兄毆
弟妻至死者律同。凡論則圖姦弟妻未成
立時致斃亦應與凡人一律問擬。將張庭

喜比依強姦未成將本婦立時殺死者擬斬立決。

直隸司 道光十一年

直督題深州郭飛朋圖姦楊孝發之妻楊范氏未成。因楊范氏喊嚷情急。輒將該氏搭傷致死。假裝自縊。殊屬淫兇。遍查律例。並無圖姦未成。致將本婦立時致死。作何

治罪明文。自應比例問擬。郭飛朋應比照強姦未成將本婦立時殺死者擬斬立決。

陝西司

道光十一年

陝撫咨胡王氏因劉先魁往接胡劉氏回歸。挽留不允爭吵。輒以伊子胡七七子知劉俊升與女胡劉氏同炕之言。指爲不端。先後斥詈。致胡劉氏與父劉俊升先後氣

忿自盡。實屬穢語。卹辱。遍查律例。並無婦人與婦人口角。穢語。卹辱。致父女二命同時自盡。作何治罪。專條自應比例問擬。胡王氏合依。因事與婦女口角。穢語。卹辱。以致本婦氣忿。輕生。又致其夫痛妻自盡者。擬絞。監候。業已畏罪自縊。應毋庸議。至胡七七子。向劉俊升家借宿。因騰給房炕。劉

俊升自與其女劉氏一炕。將就睡宿。係屬
實有其事。並非胡七七子平空指造。惟胡
王氏所稱劉俊升父女不避嫌疑。恐有不
端之言。究由胡七七子告知父女一炕同
睡而起。若遽予免議。未免輕縱。胡七七子
應照不應重律。杖八十。酌加枷號一個月。

奉天司

道光六年

步軍統領衙門咨送張保兒與王換姐通姦私產醜聲外揚致換姐之父王二聞知氣忿將換姐之母畢氏並伊妹六姐戳砍斃命是畢氏六姐之死皆由張保兒姦淫所致律例內並無和姦敗露致姦婦之親屬被殺二命姦夫作何治罪明文自應比例定擬張保兒應比照因事威逼人致死

一家二命例發近邊充軍。

安徽司 道光八年

安撫岩劉繼緒因見奕允幅之女生姐從伊家走出。適伊家被失錢文。疑係生姐所竊。屬奕允幅轉向查問。以致生姐氣忿投繯自盡。奕允幅亦因痛女情切。自縊身死。查劉繼緒僅止疑竊查問。並非誣竊捏指。

又無嚇詐逼認情事。未便遽照威逼一家。二命例擬軍。遍查律例。並無疑竊。僅止空言查問。致令一家二命自盡。作何治罪。明文將劉繼繕比照因事威逼人致死一家。二命發近邊充軍例上量減一等。擬杖一百。徒三年。

陝西司 道光九年

陝撫咨富平縣劉文義與路學勤之妻路李氏通姦。本夫初不知情。迨劉文義在李氏房內炕上同飲說笑。本夫瞥見斥罵。劉文義當卽逃跑躲避。並無因姦威逼情事。第姦婦本夫先後投繯殞命。實由劉文義與路李氏通姦所致。自應比例問擬。劉文義應比照因事威逼人致死一家二命例。

發近邊充軍。

江西司 道光十一年

江西撫咨謝榮糾竊小功服兄謝象坤錢物。致事主夫妻窘迫自縊身死。查例內事主失財窘迫自盡。係指平人因竊致死。事主一命而言。並無因竊致小功尊長一家自盡二命治罪專條。謝榮比照因事威逼。

人致死一家二命例發近邊充軍。

安徽司 道光十年

安撫咨朱有光因佃戶王恆發欠租無償。將其地內大麥割取作抵。復令工人張玉催討尾欠。並以如不清還。欲併割小麥之言。轉令嚇唬。以致其妻王王氏聞知。忿恨莫釋。先將幼子雙孜連孜殺死。復自刎咽。

喉殞命。該無以王氏之自刎。固由該犯嚇
唬所致。而其子雙孜等。皆係幼稚無知。係
該氏自行致死。並非甘心同死。核與實在
被逼致斃三命者有閒。將朱有光於威逼
一家三命。發邊遠充軍例上。量減擬徒。部
查王王氏與雙孜等。係屬母子一家三命。
雙孜連孜。雖非甘心與伊母王氏同死。而

王○氏○之○般○其○子○復○自○刎○殞○命○者○究○由○該○犯○
威○逼○所○致○自○應○罪○坐○所○由○駁○令○妥○擬○嗣○經○
該○撫○遵○駁○將○朱○有○光○改○依○威○逼○致○死○一○家○
三○命○例○發○邊○遠○充○軍○

陝西司

道光十一年

陝撫咨線添有與線火氏續姦被本夫線
有仁撞見喊捉無獲致本夫抱忿自縊姦

婦線火氏畏罪。攜抱幼女投崖。一併殞命。
線添有訊。無因姦威逼情事。惟本夫姦婦。
及幼女先後慘斃三命。實因線添有與線。
火氏通姦所致。自應比例問擬。線添有應。
比照因事威逼致死一家三命以上者。發。
邊遠充軍。

四川司 道光四年

川督咨渠縣湯萬鎰與張李氏通姦其姑
張黃氏並不知情嗣因姦情敗露張李氏
羞愧投繯自盡張黃氏因伊媳作此醜事
無顏見人氣忿莫釋亦卽投繯殞命查因
姦敗露致釀二命例內旣指明從一科斷
自應仍按本例問擬今該督將該犯湯萬
鎰比照因事威逼人致死一家二命例發

近邊充軍。仍追埋葬銀兩。係屬錯誤。應行更正。湯萬鎰。應改依按律。不應抵命罪止。軍流徒人犯。致死二命。從一科斷。和姦之案。姦婦因姦情。敗露羞愧自盡者。姦夫杖一百。徒三年。例杖一百。徒三年。所有該督聲明。仍追葬銀一十兩之處。應無庸議。

山西司
道光五年

晉撫客呂俊倡因與胡李氏通姦敗露致
氏因夫堂弟欲控畏愧自盡自應比例問
擬呂俊倡應照和姦之案姦婦因姦情敗
露羞愧自盡者姦夫杖一百徒三年例杖
一百徒三年。

河南司 道光五年

河撫客鹿邑縣完顏高武姦拐劉柳氏同

逃。罪應擬軍。惟甫將柳氏拐至家內。卽經伊母譚氏查知。將柳氏送還本夫完聚。雖未到官呈首。究與始終拐匿者有閒。應將該犯於軍罪上酌減一等。擬以滿徒。柳氏因姦情敗露。羞愧自盡。亦罪應滿徒。完顏高武合依姦婦因姦情敗露。羞愧自盡。姦夫杖一百。徒三年。例杖一百。徒三年。

河南司

道光五年

河撫咨虞城縣孫盛彩妒姦毆傷姦婦趙
李氏自縊身死該撫將孫盛彩比照因姦
威逼人致死斬候律上量減擬流並將張
年依軍民相姦例擬以柳杖部議因姦威
逼人致死斬候律條係指強姦婦女致婦
女自盡並和姦之案姦夫倚勢威逼其夫

與。父。母。及。同。居。親。屬。自。盡。者。而。言。至。和。姦。
姦。婦。因。姦。敗。露。自。盡。者。姦。夫。自。有。擬。徒。專。
條。此。案。孫。盛。彩。先。與。趙。李。氏。通。姦。嗣。因。李。
氏。復。與。張。年。姦。好。該。犯。心。懷。妒。忌。將。李。氏。
毆。傷。致。氏。忿。迫。自。盡。是。該。氏。之。自。盡。固。因。
與。張。年。通。姦。敗。露。亦。由。孫。盛。彩。妒。姦。挾。制。
所。致。自。應。仿。照。山。東。王。法。廷。等。成。案。更。正。

孫盛彩應改照姦婦因姦情敗露羞愧自盡滿徒例上量加一等杖一百流二千里。張年亦應改照姦婦因姦情敗露羞愧自盡例擬杖一百徒三年。

河南司 道光六年

河撫咨澠池縣張臭卯先與李劉氏通姦嗣因劉氏復與關隨鬧姦好該犯妒姦襲

罵致氏愧忿自縊。是該氏之死。雖因與關
隨。開通姦。敗露。起釁。究由張臭卯妒姦。囑
罵所致。張臭卯應照姦婦因姦情敗露。羞
愧自盡者。杖一百。徒三年。例上量加一等。
杖一百。流二千里。關隨開應照本例。杖一
百。徒三年。

陝西司 道光六年

陝撫咨安九木與程李氏通姦。本夫知情縱容。嗣因該犯嚷破姦情。致程李氏羞愧投井身死。該撫以安九木與李氏通姦。係本夫縱容。比照縱容妻妾與人通姦。致被拐逃者。姦夫於軍罪上減等之例。將安九木於和姦之案。姦婦因姦情敗露。羞愧自盡者。姦夫滿徒例上。量減一等。擬杖九十。

徒二年半。部議縱容妻妾通姦。致被拐逃。
姦夫減等擬徒之例。以姦夫之拐逃。究由
本夫之縱容。以啟其戀姦誘拐之端。是以
設有專條。得從量減。至姦婦因姦情敗露。
自盡之案。向俱不問本夫之縱姦與否。祇
以姦婦之自盡。旣由於姦情之敗露。卽應
將姦夫照例擬以滿徒。茲該撫將安九木

量減一等問擬與例不。符。應。隨。案。更。正。安。
九。木。應。仍。依。和。姦。之。案。姦。婦。因。姦。情。敗。露。
羞。愧。自。盡。者。姦。夫。杖。一。百。徒。三。年。例。杖。一。
百。徒。三。年。

江西司 道光八年

江西撫咨石西斗仔。係石姓家奴。與家長
無服族人石偕詢之妻通姦。致氏自縊身

死○例○無○作○何○治○罪○明○文○惟○犯○姦○既○有○加○等○
之○律○則○因○姦○釀○命○亦○未○便○轉○同○凡○論○致○使○
良○賤○無○分○石○西○斗○仔○係○奴○姦○良○人○婦○應○依○
和○姦○之○案○姦○婦○因○姦○情○敗○露○羞○愧○自○盡○姦○
夫○滿○徒○例○上○量○加○一○等○杖○一○百○流○二○千○里○

安徽司

道光九年

安撫谷王平與徐鏞之妻張氏通姦敗露

致氏羞愧自縊身死。查王平之母固屬徐
鏹。故祖母陳氏契買婢女。但其父王庭志
乃係陳氏雇工。並非賣身奴僕人之出身。
貴賤本之於父。不本之於母。例內放出奴
婢之子女。干犯家長期服以下親。依雇工
人科斷。推原例意。係指契買家奴。配以婢
女而言。是以將奴婢兩字並提。若婢出配。

者○係○雇○工○而○非○家○奴○其○子○女○卽○不○能○以○雇
工○人○論○蓋○雇○工○不○過○計○工○受○值○賤○其○事○未
賤○其○身○工○限○滿○日○卽○家○長○亦○同○凡○論○所○以
雇○工○一○項○例○無○放○出○之○條○是○雇○工○本○身○尚
非○始○終○下○賤○更○無○論○其○子○女○今○徐○鏗○故○祖
母○陳○氏○因○雇○工○王○庭○志○誠○實○將○婢○女○桂○花
配○給○爲○妻○旋○卽○放○出○另○住○自○行○過○度○遇○事

仍往服役亦屬情誼之常不能以此而爲主僕名分之據王平與張氏旣無名分應照凡人科斷將王平依姦婦因姦情敗露羞愧自盡者姦夫杖一百徒三年例杖一百徒三年

山西司

道光十年

晉撫咨那四兒向那朱氏調戲那朱氏已

允通姦。被本夫那貴英撞見。欲行控告。那朱氏慮恐到官出醜。羞愧自刎身死。卽與和姦。敗露。羞愧自盡。無異那四兒應照。和姦之案。姦婦因姦情敗露。羞愧自盡者。姦夫杖一百。徒三年。

陝西司 道光十年

陝撫咨清澗縣民人劉三兒等與郝李氏

通姦敗露。致氏羞忿自縊身死。查劉三兒與張春陽俱係姦夫。厥罪惟均。自應均照因姦釀命例。問擬該撫將劉三兒擬徒。張春陽祇科姦罪。殊屬錯誤。應卽更正。張春陽應與劉三兒均合依和姦之案。姦婦因姦情敗露羞愧自盡者。姦夫杖一百。徒三年。例杖一百。徒三年。

直隸司

道光十一年

直督咨寶坻縣王殿沅與高張氏通姦。係本夫縱容。後經拒絕。輒起意商允逃走。甫經出門。卽被本夫之姪瞥見喊回。致氏被夫卹罵。又被外人談論。羞忿交加。攜帶幼子幼女投井殞命。雖子女之死。由於其母帶同致死。第揆其致死之由。皆因該犯與

高張氏通姦敗露以致母子三人同遭非命。自應按例加等問擬。王殿沅合依人命案件按律不應擬抵罪止。軍流徒人犯如至三命者於軍流徒本罪上加一等例應於和姦之案姦婦因姦情敗露羞愧自盡者姦夫杖一百徒三年例上加一等杖一百流二千里。

陝西司 道光十一年

陝撫咨宋普兒與彭太平商換雞姦。彭太平還姦未遂。斥罵經雇主將宋普兒逐出。宋普兒被逐不甘。在外揚言。以致彭太平自戕身死。若僅照尋常婦女和姦敗露。羞愧自盡。將姦夫問擬滿徒。殊覺輕縱。惟無治罪明文。自應比例問擬。宋普兒應比照

和姦之案姦婦因姦情敗露羞愧自盡姦夫杖一百徒三年例上酌加一等杖一百流二千里。

四川司 道光十四年

川督岑忠縣李愾沅因哄誘劉金沅雞姦敗露以致劉金沅羞愧自縊身死例無治罪明文惟劉金沅甘被雞姦卽與和姦之

婦無異。自應比照問擬。李憫沅應照和姦之案。姦婦因姦情敗露羞愧自盡者。姦夫杖一百。徒三年。例擬杖一百。徒三年。

廣西司 道光十一年

廣西撫咨陳世易等聽從行劫。遺火燒斃事主母子二命。查強盜殺人放火。罪應斬梟。該犯遺火燒斃事主。與有心放火殺人。

者不同。未便援引斬梟之例。惟竊盜遺火燒斃事主一二命。尚應斬候。強盜重於行竊。雖例無治罪明文。應酌量加重問擬。陳世易應比照竊賊遺火燒斃事主一二命例。擬斬監候。奏請卽行正法。

奉天司

道光四年

奉天府尹題賊犯甯發潛往事主陳珠家

行竊。摸得炕上放有衣服綿被。不知被內
裏有幼孩。將衣被裹在一處。用胎膊夾住
出屋。以致事主陳珠之子陳小小被夾氣
閉身死。律例內並無賊犯行竊誤傷事主
之子身死。作何治罪專條。訊係該犯實不
知被內裹有幼孩。而小小之氣閉身死。實
因該犯行竊衣服裹住所致。其致斃人命。

並非該犯意料所及。核與竊賊遺火。事出無心。以致燒斃事主一命之例。情罪相等。自應比例定擬。甯發應比照賊犯遺火。延燒不期燒斃事主一命者。照因盜威逼人致死律。擬斬監候。

尊長爲人殺私和

福建司

道光四年

福撫題林洸上、因伊胞叔林文連被伊堂兄林洸生毆斃。該犯被林洸生嚇逼聽從擡埋。並非擡棄。該撫以律例內並無期親尊長被殺卑幼聽從埋屍滅跡作何治罪明文。將林洸上於棄總麻以上尊長死屍

者斬。爲從減一等。棄而不失。又減一等。滿
徒律上。量減一等。杖九十。徒二年半。部改
照期親尊長被殺卑幼私和律。杖八十。徒
二年。爲從減一等。應杖七十。徒一年半。

廣東司 道光四年

廣撫咨謝阿文等致斃伍阿細等三命。李
長盛受賄頂兇。陳明恩係被殺之陳阿應。

圖得財表分。劉二之在內拒捕。實出該犯意料之外。查照親屬相盜計贓一兩零。按服制爲從科斷。止應擬笞。惟劉二走回後。曾將拒捕情由告知。該犯明知其叔傷重。已無生理。仍敢收受贓衣。縱犯逃逸。又復阻止報官。冀圖諱匿。是其忘仇縱兇。實與得贓私和無異。將吳克順比照尊長爲人。

殺期服卑幼私和律杖八十徒二年監候待質。

安撫司 道光十二年

安撫奏張初老因瘋毆傷伊父張際善被伊兄張咸老救護向張初老毆打誤傷張際善身死查張咸老所毆張際善左臂膊一傷與張初老所毆右臂膊等處同一骨。

期親服叔。輒聽從犯母屬託扶同隱飾。捏指頂兇爲正兇。所許虛贓。尚未得受。例內並無犯屬行賄頂兇。屍親聽屬容隱。作何治罪明文。將陳明恩比照期親尊長被殺。卑幼私和者杖八十。徒二年。卑幼被殺尊長私和者各依服制減卑幼一等律。應於杖八十。徒二年罪上減一等。杖七十。徒一

年。半。已。於。未。發。之。前。自。行。首。明。照。律。免。罪。
所。許。虛。贓。免。其。追。繳。

安徽司

道光十年

安撫谷吳克順聽從在逃之劉二同往伊
胞叔吳照漳家偷竊該犯在外接贓劉二
進內竊得衣服被吳照漳扭住將吳照漳
拒傷身死該犯聞喊先經逃回是該犯止

斷死係親父律應不分首從將張初老依
律凌遲處死。先行正法。張咸老援引廣東
省譚亞九之案。可否改爲斬監候。恭候
欽定。奉

旨。張咸老改爲斬監候。欽此。至張淋書係
張際善胞弟。乃於張際善被子毆傷身死。
輒敢貪利匿報。實屬忘仇縱逆。遍查律例。

並無恰合正條。該撫將張淋書比照祖父母父母被殺子孫受賄私和例擬以滿流。部以弟之於兄究與子孫之於祖父母父母有間。且口許虛賊亦與實在受財者不同。將張淋書改依期親尊長被殺卑幼私和律上酌加一等杖九十徒二年半。

河南司

道光十一年

河撫題柘城縣李綠疑賊扎傷郭鳳林身
死案內之王大聚起意私埋匿報訊無受
賄情事。查王大聚係郭鳳林繼父。先會同
居。應服齊衰三月。比依總麻服論罪。王大
聚合依卑幼被殺尊長私和者。各依服制
減卑幼一等律。於期親尊長被殺卑幼私
和杖八十。徒二年。大功以上各遞減一等。

總麻應減爲杖一百。罪上減一等杖九十。

四川司 道光十三年

川督咨江津縣劉苗古登時毆傷竊賊會
二身死案內之曾廷佐係會二大功堂弟
聽從劉苗古私埋匿報若照大功尊長被
殺卑幼私和者杖七十徒一年半似與例
應抵命者無所區別查兇犯罪止擬杖者

以財行求之親屬例得減二等科斷自可比照問擬會廷佐應於大功尊長被殺卑幼私和杖七十徒一年半律上減二等杖一百。

貴州司 道光四年

貴撫題羅阿便等共毆陸老二身死羅韋氏以賄行求陸復得受財私和估贓十二

兩七錢。陸復得係已死陸老二胞叔。服屬期親。照屍親期服以下親屬。受財私和者。計贓准枉法從重論。枉法贓一十兩。杖九十。律杖九十。羅韋氏係兇犯羅阿便之妻。照兇犯總麻以上有服親屬以財行求者。不計贓數。擬杖一百。本部將陸復得改依卑幼被殺尊長私和者。杖八十。徒二年。韋

氏照擬。係婦女依律收贖。

四川司 道光六年

川督奏璧山縣劉丑毆踢伊祖母劉朱氏身死。私埋匿報。劉陳氏係劉丑之母。劉丑毆踢祖母劉朱氏斃命。該氏雖值病重昏迷。無從知覺。惟事後伊幼子劉四兒向伊告知。該氏祇向劉丑斥罵。令人往邀伊夫。

回家並不卽時投鄰赴官告究。直至巡役訪聞盤詰始行吐實。究屬隱匿。例無毆踢祖母身死之犯。其母事後知情隱匿。作何治罪明文。自應比例問擬。劉陳氏應比照祖父母父母被殺子孫受賄私和者杖一百流三千里例。杖一百流三千里。係婦人照律收贖。

貴州司 道光七年

貴撫題安南縣苗人楊老敖起意商同楊
阿保等致死楊老能向柏同春圖賴屍子
楊阿隴聽許賄屬不卽據實告官含糊呈
報迨到官後圖得銀兩匿情混供實屬貪
利忘仇未便因其賊未入手稍從輕減應
照父母被殺子受賄私和者杖一百流三

千里。

陝西司

道光四年

陝撫題胡進賢於伊子胡五十一扎傷伊
媳張氏身死。出錢私和。又起意燒屍滅跡。
例無作何治罪明文。若照毀棄子孫死屍
律問擬。罪止杖八十。自應從重。照賄和例。
論。胡進賢合依子孫被殺父母受賄私和。

無論賊數多寡杖一百例擬杖一百。

陝西司 道光五年

陝督谷西寧縣趙廣智與趙王氏通姦敗露致氏羞愧自縊。趙秉謙係王氏之翁受賄私和並不報官。第王氏係自縊身死與被殺不同。自應比例量減問擬。趙秉謙應比照子孫被殺父母受賄私和無論賊數

尊長爲人殺私和

五

多寡俱杖一百例上量減一等擬杖九十。

四川司

道光十四年

川督咨新寧縣李泳珍毆傷竊賊熊自鼎身死屍母熊陳氏因子行竊被毆致斃並不報官相驗輒受李泳珍錢文私埋息事實屬不合若照子被殺父母受賄私和無論賊數多寡擬以滿杖似與兇犯律應抵

命。無所區別。熊陳氏合依兇犯罪止擬徒者。以財行求之親屬杖八十。例杖八十。

河南司 道光十四年

欽差昇等奏桐柏縣羅世俊京控盜殺不究冤斃良民案內之楊王氏以夫被盜殺本應呈催緝兇乃得受王有林等錢文輒行私和寢事例無作何治罪明文自應比

尊長爲人殺私和

五

例問擬楊王氏應依夫被殺妻受賄私和杖流例上量減一等杖一百徒三年

陝西司

道光七年

陝督咨泰安縣革監胡藻於胡鄧氏索要驢駒並不婉言答覆輒行毆罵拉逐以致該氏氣忿莫釋乘閒投繯殞命胡三姪子係鄧氏之夫並不報官受賄私和第鄧氏

死。由。自。縊。與。被。殺。賄。和。不。同。自。應。比。例。問。
擬。胡。三。銓。子。應。比。照。妻。被。殺。夫。受。賄。私。和。
無。論。贓。數。多。寡。杖。一。百。例。上。量。減。一。等。擬。
杖。九。十。

同行知有謀害

陝西司 道光八年

陝督奏干總米光祿踢傷兵丁徐文昇身
死。徐五身充縣署門丁。聽從捏爲病故。並
屬醫生補開藥方。希冀脫罪。情殊藐法。徐
五應於知人謀害他人。不卽首告。杖一百。
律上量加一等。杖六十。徒一年。

浙江司

道光十年

浙撫奏吳阿馨於吳秉忠勒死親母吳白氏該犯向其盤出情由當欲首控吳秉忠許給錢文求勿聲張該犯貪利代爲隱瞞較尋常人命知情不首爲九重吳阿馨應比照知人謀害他人不卽首告杖一百律上量加一等杖六十徒一年

陝西司 道光十三年

陝撫題富平縣孫銀莊兒等共毆翟玉畛
身死案內之孫文玉係孫銀莊兒胞兄當
伊弟前往商謀糾毆並不阻止以致翟玉
畛被毆致斃在凡人知人謀害他人不卽
阻當律應滿杖今孫文玉縱弟行兇卽與
同行助勢無異若僅照不卽阻當律杖一

百。未免輕縱。孫文玉應於知人謀害他人。
不卽阻當杖一百。律上加一等杖六十。徒
一年。